



**Arnoldi Corvini â Belderen, Batavi, Jcti quondam  
Consummatissimi, Consilarii Electoralis & Professoris  
Moguntini Publici, &c. Tractatus Geminus De Personis  
Atque Beneficiis Ecclesiasticis Sive ...**

opus posthumum, diu desideratum, nunc demum excusum, & indice  
locupletissimo instructum

De beneficiis ecclesiasticis

**Corvinus van Beldern, Arnold**

**Francofurti ad Moenum, 1708**

**VD18 10184902**

De Residentia Dignitatum, & Canonorum. Tit. 4

---

[urn:nbn:de:hbz:466:1-62028](https://nbn-resolving.org/urn:nbn:de:hbz:466:1-62028)

## TITULUS IV.

## De Residentia Dignitatum, &amp; Canoniorum.

## SUMMARI A.

1. Dignitates & Canonici obtinentes, ultra tres menses singulis annis regulariter abesse non possunt.
2. Ubi residere debeant duplici gaudentes Beneficio.
3. Absentes ultra tempus peccant mortaliter.
4. Quid si Dignitatibus annexa Visitatio.
5. Absentia ulterioris licentiam, nec dare potest Capitulum, nec Episcopus.
6. Residere tenentur obtinentes Dignitates, non tantum habentes expectantiam.
7. Obire illi tenentur officia sua per se.
8. Suae obligationi satisfaciunt a Capitulis abesse possunt.

**A**D Residentiam etiam tenentur, qui in Ecclesiis Cathedralibus, aut Collegiatis, Dignitates, Canonatus, Præbendas obtinent; ita ut, cujuslibet statuti aut consuetudinis vigore, ultra menses tres continuos, aut interpellatos, *Bart. u. 2. Abb. num. 6. in c. licet. de supplend. negl. Præl. Bart. & alii in l. cum dis. sextus. ff. d. verb. signif. Francus. in c. quam sit. S. electus. num. 4. de elec. in 6.* (ut declaravit Sacra Congregatio) ab eisdem Ecclesiis quolibet anno abesse eis non liceat: Constitutionibus tamen earum Ecclesiarum.

Corvinus  
De Personis  
et Benefic. Ecclesiast.

G IV.  
32

clesiarum statutis, longius si servitii tempus requirant, salvis. *Concil. Trident. sess. 24. de reformat. cap. 12. vers. praterea obtinentibus.*

*Dignitatem* principalem in Collegiata quæ & Sedem in Cathedrali habet, obtinens, residere debet in Collegiata. *Abbas in c. extirpandæ. §. qui vero. num. 5. ubi & Hostiens. num. 8. de præbend. Garcias de benefic. part. 3. cap. 2. num. 182.*

*Canonicatum & Monasterium* habens in Commendam, residere debet in Monasterio; nisi illud à cura animarum sit liberum. *S. Congregatio Concilii.*

Habens *Canonicatum & Parochialem* in duabus Dicecesibus, si non residet ex permissu Episcopi in Parochiali, residere debet in Canonicatu. *Bulla Pii V.*

Duas ex dispensatione habens *Dignitates* seu *Canonicatus*, residere tenetur in digniori. *S. Congregat. Concilii. Garc. d. loco. num. 185.*

Et habens ex dispensatione duo *Beneficia* requirentia residentiam, residere debet in eo quod majorem necessitatem seu residendi causam habet: Si habent æqualem, in qua maluerit. *S. Congreg. teste Garcia d. loco. num. 186.*

Idem est in habente duas *Parochiales* unitas. *Garc. d. loco & numer.*

Canonici, & obtinentes *Dignitates*, ultra tempus per Concilium Tridentinum permissum, si notabiliter absint, peccant mortaliter; Contraveniunt gravissimo Concilii præcepto, nec suæ obligationi satisfaciunt. *Garcias d. loco. num. 321.* Licet resident in civitate, in qua est Ecclesia; modo abfuerint à servitio Ecclesiæ. *Declarat. S. Congregat. Cardin. supra d. cap. 12. Garcias d. loc. num. 323.*

Qui obtinent *Dignitates*, quibus incumbit visitatio, possunt ratione visitationis absse ultra tres menses, & fructus dignitatum lucrari; non distributiones quotidianas: *Garc. d. loco, num. 336.* nisi sit alia consuetudo: visitando enim inserviunt Ecclesiæ. *Monachus in c. 1. num. 2. de Cleric. non resid. in 6. & ibid. Joan. Andr. Domin. in princ. num. 2. Prob. num. 11.* Nisi visitent in loco, ubi est Ecclesia: *Garcias d. loco. num. 336.*

Absentiæ licentiam ultra tempus à Concilio permissum, licet ad tem-

tempus breve & ex causa justa & rationabili, sed in jure non comprehensa, nec dare potest Capitulum: Cum non potest dispensare in Legge Superioris. Qualis est Lex de residendo. in t. r. de Cleric. non resident. & in Concilio Tridentino. sess. 24. de reformat. cap. 12. & ita censuit S. Congregatio. *Garcias d. loco. num. 404.* Nec, ob eandem rationem Episcopus, *Navar. consil. de Cleric. non resident. S. Congreg. Cardin. sess. Garcia d. loco num. 406. cum seqq.* Non obstante consuetudine contraria. Cum sit abusiva. *Covarr. lib. 3. var. resolut. cap. 13. Garcia d. loco. num. 416. cum seqq.*

6 *Residere tenentur omnes in Cathedralibus & Collegiatis Ecclesiis Dignitatem obtinentes, licet non habeant vocem in Capitulo, nec cum ceteris participent distributiones aut fructus: d. Concil. Trident. sess. 24. de reformat. cap. 12. vers. praeterea obtinentibus.* sed aliunde: Non tenentur, si habeant tantum expectantiam. *S. Congregatio die 30. April. 1587. Garcia d. loco. num. 482.*

7 *Obtinentes Dignitates & Canonicatus, & Residentes, tenentur per se, & non per substitutum obire officia divina sua Dignitati vel Canonici incumbunt: ut cantare Missas, Evangelium, aut Epistolam suis hebdomadis seu diebus. Concil. Trident. sess. 22. cap. 4. & sess. 24. cap. 12. vers. omnes vero. de reformat. Sac. Congregat. ibid. Sandoval. de offic. Ecclesiast. part. 5. cap. 3. & 4. Non facientes peccant mortaliter. Garcia d. loco. num. 500. & 513.*

8 *Suae obligationi, quoad residentiam & servitium chori & Altaris satisfaciunt; à Capitulis seu congregationibus Capitularibus licite abesse possunt. Praecipuum enim & particulare officium, & ad quod obligat S. Concilium Tridentinum, d. cap. 12. vers. praeterea obtinentibus: Canonicos est residentia & Ecclesiae servitium: Habere autem & dare vocem in Capitulo, est praeceminentia & fructus Canoniciatus. Gloss. fin. in c. 2. de in integr. restit. & ibi Butr. num. 44. Abbas. num. 21. Cardin. in Clem. 2. num. 23. de stat. & qualit. ordin. Felin. in c. cum olim. num. 2. de major. & obed. cui cedere possunt: Sed non debent, nisi ex justa impedimenti causa. Garcia d. loco. num. 537. cum seqq.*

CORVINUS  
DE PERSONIS  
ET BENEFICIIS ECCLESIASTICIS

LIB. IV.

32